

[Berliner entomologische Zeitschrift 1873.]

Coleopterorum messis in insula Cypro et Asia
minore ab Eugenio Truqui congregatae
recensitio:

de Europaeis notis quibusdam additis.

Auctore

Flaminio Baudi a Selve.

Pars quinta.

(Mense Aprili 1873.)

DASYTINI.

Dasytes xanthocnemus? Kolen. v. *cyprius*. Octo foeminae Cypro, quae statura admodum parva, fronte obsolete impressa, thorace transversim subquadrato, subtiliter punctato, pluribusque aliis cum ejus descr. conferunt. Corpus in hisce attamen nigro-subcyanescens, antennae rufo-brunneae, articulo primo fusco, sequentibus quatuor vel quinque basalibus testaceis, breves, capitis cum thorace longitudinem haud attingentes, apicem versus sensim incrasatae, articulis 5—10 serratis; thorax apicem versus vix attenuatus, basi lateribusque aequaliter, subtiliter marginatus, dorso aequalis, punctis quibusdam majoribus confusis ad latera interdum notatus; elytra subtiliter parum crebre punctata, parce nigro-villosula, parcius admodum griseo-pubescentia: pedes, tarsis praesertim, pro genere breviusculis, trochanteribus, tibiis tarsisque laete testaceis, horum unguiculis obsolete dentatis. *Das. brevicorni* Ksw. plerumque minor, ab eo et *pilicorni* elytris crebrius, distinctiusque punctatis praecipue discedit.*)

Das. brevicornis Ksw. var. statura aliquantulum majore, thorace dorso minus convexo, lateribus plus declivi, quo, superne

*) Haec species sine dubio cum *moniliato* Kiesenw. convenit, an re vera *D. xanthocnemus* Kolenati sit, nescio. Ksw.

inspectus, magis subquadratus videtur, interstitiis nitidioribus, elytris obsoletius punctatis. evidentius transversim ruguloso-subscabris: variat tibiis tarsisque obscure piceis. Quaedam sp. Beryto.

Das. timidus n. sp. *Oblongus, niger vel nigro-piceus, parce nigro hirtus, thorace transversim subquadrato, elytris subtiliter parum dense punctulatis, seriatim albido pilosis.* — Long. $1\frac{1}{2}$ — $1\frac{3}{4}$ lin.

Mas angustior, fronte depressa, obsolete foveolata, capite thoraceque subtilius punctatis, antennis eorundem longitudinem tantisper excedentibus, infra dense albido-villosis, fuscis, articulo secundo rufescente, inferne globuloso, tertio — decimo intus triangulariter serratis, apicem versus sensim majoribus, ultimo oblongo-ovato: thorax elytris sat angustior, transversim convexus, anterieus haud attenuatus, latitudine sua vix sesqui brevior, lateribus et basi parum, angulis omnibus fortiter rotundatus, subtiliter parce, subaequaliter punctatus, parum dense nigro-hirtus parceque admodum griseo-pubescentis; elytra longula, subparallela, subtiliter parum crebre punctulata, transversim obsolete rugosula, pube depressa grisea parce induta lateribus nigro tantisper villosa; abdominis segmentum ventrale penultimum, una cum ultimi basi. medio profunde foveolatum; pedes mediocres, tibiis tarsisque fusco-piceis, hisce validiusculis, anticorum unguiculis membrana validiuscula, apice rotundata instructis.

Foemina major, relative latior, capite thoraceque plus minusve crebre, fortius profundiusque punctatis, illo pariter thorace angustiore, fronte plana, obsolete trifoveolata, antennis capite cum thorace sat brevioribus, fuscis, apicem versus sensim crassioribus, articulis 4—10 intus sensim fortius triangulariter serrato-productis; thorace transversim convexiore, angulis anticis minus late rotundatis; elytris apicem versus tantisper dilatatis, seriatim parce nigro-villosis. et per series tenues pube albida depressa indutis; pedibus concoloribus nigris vel nigro-piceis, unguiculis omnibus basi obsolete dentatis.

A *D. striatulo* Br. statura relative aliquantulum longiore atque angustiore, pubescentia longe parciore, antennis in foemina brevioribus elytrisque minus dense punctatis praecipue discedens.

Sat frequens Cypro videtur.

Dasytes nigro-aeneus Küst. quaedam Syria.

Dolichosoma simile Br. Cypro rarum.

Dolichophron cylindromorphum Ksw. Unica foemina Beryto: descripto ab auctore mari forma plerisque, statura atque punctuatione conveniens, tota obscure viridi-aenea, elytris basi thorace angustioribus, apicem versus sensim tantisper ampliatis, prope apicem rotundatim attenuatis, apice singulo anguste rotundato; ab-

domine elytra excedente, segmento ventrali quinto apice recte truncato, albo-ciliato, sexto vix breviato, aequali, apice late rotundato.

Haplocnemus abietum Ksw. duo specimina a typico ab auctore recepto pedibus penitus rufo-testaceis, thorace disco subtilius, crebrius equidem lateribus punctato, at punctura haud rudi discedunt: *H. rufipes* Miller verisimiliter.

H. basalis Küst. Cypro haud rarus, thorace tantisper fortius quam in pedemontanis et sardois speciminibus punctato.

Haplocnemus pertusus? Kiesw. Frequens, praesertim foemina, Cypro: mas sat apte descriptioni confert, ei oculi fortius, praesertim antice, convexi, porrecti videntur, margine interiore fortius et angustius rotundatim emarginati, antennis eorundem margini antico prope admodum insertis: foemina mari parum dissimilis, tantisper brevior atque convexior, antennis capitis cum thorace longitudinem parum vel vix superantibus, intus ab articulo quarto serratis, nigro-piceis plerumque vel brunneis, articulo secundo dilutiore: palpis maxillaribus articulo ultimo subfiliformi, in mare eodem apice sat dilatato, oblique truncato.¹⁾

Julistus arbustorum Ksw. Cypro rarus.

Dasytiscus virescens n. sp. *Aeneo-virescens, parum nitidus, pube densa longiore flavescens, capite thoraceque creberrime rugoso-punctatis, hoc angulis anticis rectis, postice subsinuato, pube transversim vel oblique ad medium convergente disposita, elytris obsolete punctulatis; palpis, antennis pedibusque nigris.* — Long. $1\frac{1}{2}$ lin.

¹⁾ Ad hoc genus spectant specimina quaedam Hierosolimis prope lecta, quae in R. Taur. Musaei collectione observavi = *Hapl. palaestinus* n. sp. *Aeneo-virescens, cylindricus, parce fusco-hirtus, thorace parum transverso modice et minus crebre, elytris fortiter haud crebre punctatis, interstitiis elevatis, subrugulosis, antennis basi rufescentibus.* — Long. $2\frac{1}{4}$ — $2\frac{1}{2}$ lin.

Mas antennis fortiter acute serratis, dimidio corpore fere longioribus, abdominis segmento ventrali quinto apice medio late et sat profunde semicirculariter exciso, excisura membrana apice recta repleta.

H. siculo Ksw. facie similis, tantisper longior, convexus, cylindricus, virescenti-aeneus, antennis, capite et thorace itidem fere extractis atque punctatis, punctis attamen, praesertim in thorace fortioribus, subocellatis, aequaliter sparsis; thorace praeterea discedit anterius minus declivi, haud angustato, lateribus regulariter sat rotundato; elytris relative longioribus, parallelo-cylindricis, fortius

D. induto major; caput crebre rugoso-punctatum, fronte anteriorius spatio medio latiore nitido, aeneo micante, labro nigro-piceo, palpis maxillaribus nigris, articulo ultimo longiore, cylindrico, ore infra piceo: antennae capite cum thorace breviores, apicem versus paullulum crassiores, articulis mediis intus magis, quam extus dilatatis, quinto — decimo subaequalibus, nigrae. Thorax subquadratus, anteriorius fere latior, angulis anticis rectis, lateribus ante medium parallelus, basin versus leviter sinuatus-attenuatus, angulis posticis et basi rotundatus, creberrime rugoso-punctatus, margine laterali subcrenulato, pube a lateribus invicem ad longitudinis medium convergente, atque plus minusve sinuose retrorsum vergente, margine utrinque et basi erecto-ciliata. Elytra obsolete subtiliter punctulata, pube densa depressa vestita, margine ciliata, ciliis insuper raris, longitudinaliter seriatim dispositis, subrectis ornata. Corpus infra dense, tenuiter griseo-pubescentis; pedibus nigris, tarsis interdum piceis.

Thoracis praecipue forma ab omnibus, etiam nuper descriptis; a *D. medio* Rott. = ? *pexo* Kiesw. cui propius thoracis structura affinis videtur, pedum pictura atque statura majore distinctus. Cypro rarus.

D. indutus Ksw. Haud rarus Cypro et Beryto.

D. squamatus Ksw. Cypro parum freq.

D. praecox Ksw. Cypro passim, variat sordide flavus, vel plus minusve dilute piceus, antennis apice infuscatis, elytris interdum tantisper fortius crebriusque punctatis, pube corporis paullulum densiore.

Melyris (Zygia) bicolor Fabr. Cypro et Beryto sat frequens, pariter ac *Z. oblonga* Fabr.

Cerallus concolor Ksw. Unicum spec. Beryto, dilute flavo-testaceum, capitis vertice macula fusca notato varians.

Danacaea hypoleuca Ksw. Sat frequens Cypro squamulis supra griseo-olivaceis, concoloribus tecta: variat in nonnullis vertice toto transversim, thoracis fascia lata longitudinali media scutelloque

punctatis, interstitiis scabris et rugosulis, parce tenuiterque fulvo-pubescentibus: pedibus nigris vel nigro-aeneis, tibiis interdum tarsisque basi brunneis. Antennarum structura, thorace elytris que fortius punctatis a *pectinicorni*, et *pinicola* distinctus; *H. chlorosoma* Luc., (si speciem recte novi) statura majore, antennarum structura atque pictura alia, corpore fusco-pubescente, thorace lateribus, anteriorius praesertim, magis rotundato, punctis latioribus, nec profundioribus, impresso a *palaestino* discedit.

pube brunneo-fusca variis: elytris brevioribus, apice latius rotundatis, pariter ac in *nana* Ksw., nec non abdominis in mare structura, inter congeneres, quibus pubes thoracica longitudinaliter disposita, insignis.

D. nana Ksw. Unicum sp. Cypro, mas, griseo-pubescentis, antennarum articulis tribus ultimis distinctius, quam in hispanicis, abrupte fere majoribus, uno latius rufo.

Acanthocnemus Truquii. m. *Oblongus, subnitidus, ferrugineus, capite fusco thoraceque nigro-hirtis, parum crebre, sat fortiter punctatis, elytris parce pubescentibus, seriatim minus fortiter punctatis, pedibus testaceis.* — Long. 2 lin.

A. ciliati Perris statura, equidem parallelus, subdepressus; capite thoraceque nigro-hirtis, ferrugineus. Caput fusco-brunneum, fronte plana, obsolete impressa, parum crebre, grosse at parum profunde punctatum, vertice rugosulum; oculis magnis, globosis; epistomate lineari, labro transverso, apice subrecte truncato, ore toto infra palpisque rufo-testaceis; mandibulis validis, apice bidentatis, nigris, basi ferrugineis; palpis maxillaribus crassiusculis, articulo ultimo subcylindrico, crassitie sua sesqui fere, secundo vix duplo, longiore, apice truncato et spongioso. Antennae rufo-ferrugineae, tenuiter ciliatae, articulo primo magno, leviter obconico, crassitie duplo fere longiore, secundo minore, subgloboso, tertio praecedente iterum minore, non vero brevioris, obconico, quarto — octavo crassitie subaequalibus, relative sensim brevioribus, septimo — octavo subtransversis, ultimis tribus abrupte majoribus, nono — decimo globosis, ultimo pyriformi. Thorax transversim subquadratus, longitudine sesqui prope latior, antice recte truncatus, basi media subemarginatus, utrinque cum angulis posticis late rotundatus, lateribus anterie subrectis, angulis anticis anguste rotundatis; transversim parum convexus, utrinque subtiliter, ad angulos posticos paullo latius marginatus, sat fortiter, parum crebre, disco parcius, utrinque subrugose punctatus, nigro-hirtus, margine laterali nigro, antice brevius et basi fulvo ciliatus. Scutellum transversum, apice subrotundatum, fortiter obsoleteque punctatum. Elytra basi subrecte truncata, thorace aliquantulum latiora, eodem fere triplo longiora, lateribus parallela, apice conjunctim late rotundata, dorso depressa, crebre seriatim punctata, punctis apice et ad latera confusis, interstitiis secundo quartoque longitudinaliter subelevatis; parce breviterque fulvo-pubescentia, circumcirca fusco tenuiter ciliata. Corpus infra obscurius ferrugineum, prosterno et parapleuris rufo-testaceis, laevibus; prosterno crassiusculo, utrinque late et sat profunde in ejus

cum parapleuris suturali regione, cum parapleuris ipsis, impresso, impressionis fundo, operatae stigmatis iustar, circulariter limitato atque membrana lucida, pallida repleto: abdomen sex segmentis conspicuis, ultimo parvo, utrinque apice oblique truncato, remote punctatum, parce griseo-pubescentis: pedes longiusculi, flavo-testacei, tibiis sublinearibus, apicem versus sensim leniter incrassatis, extus sat dense ciliatis, haud spinulosis, tarsis tibia dimidio fere brevioribus, graciliusculis, articulis quatuor primis brevibus, horum primo attamen minore, in tarsis posticis vix conspicuo, ultimo praecedentibus simul sumtis tantisper brevioribus; unguiculis simplicibus. Unicum spec. Cypro.

Phloeophilum jam diu specimen hoc in collectione designavi, ejus ob antennarum structurae cum *Phl. Edwardsi* affinitatem, nec non tarsorum articuli primi exiguitatem: totius attamen corporis habita ratione cum *Acanthocnemo* Perris conferre maxime videtur, a quo etsi palporum maxillarium structura, mandibulis validis tibiisque extus haud spinulosis discedat, pluribus attamen, speciei quoque *ciliatus*, congruit, ab eo, praeter alia, antennarum et pedum colore distinctum. Unicus forte inter *Melyrinos* prosterni singulari structura insignis. Genus, ex affinitatibus, prope *Phloeophilum*, meo judicio, systematice collocandum.

CLERIDAE.

Opilus toeniatus Klug et var. *frontalis* Klug Cypro et Syria parum freq. ²⁾)

Phloeocopus basalis Kl. Quaedam Cypro et Asia min. variant corpore toto rufo-brunneo vel cinnamomeo, elytris fascia pallida pone medium plus minusve interrupta vel abbreviata, apice interdum late fuscis; antennis pedibusque testaceis, hisce femoribus apice leviter infuscatis; pectore rufescente, abdomine plerumque sordide flavo. Antennae in omnibus elongatae, articulis nono et decimo majoribus, subtriangularibus, ultimo, eis duobus simul sumtis, in foemina vix longiore, in mare praecedentium sex vel septem longitudine subaequali, levissime arcuato, extus apice rotundato atque oblique subtruncato. Abdominis segmentum ventrale quintum in mare apice medio sat fortiter emarginatum, in foemina recte truncatum. Caput et thorax disco subtiliter disperse, iste lateribus rugose et confuse punctata; elytra grosse, seriatim punctata, punctis in seriebus sat approximatis, apice pone maculam confusis.

²⁾ In R. Taur. Mus. collectione specimen *Opili mollis* Lin. prostat e Missouri Americae borealis, nostratibus omnimode congruens.

Clerus (Allonyx) quadrimaculatus Fabr. Parum freq. Cypro, interdum pedibus omnino rufis, elytris paulo subtilius punctatis variat.

Tarsostenus univittatus Rossi sat frequ. Cypro.

Trichodes crabroniformis Fabr. Cypro et Syria passim.³⁾

Tr. favarius Ill. var. *viridifasciatus* Chevr. macula elytrorum postica a summo apice sat discreta, veluti in icone *Tr. affinis* Spin. depictus, ab hoc metasterni et ventris structura discedens. Syria passim.

Tr. leucopsideus Ol. var. *syriacus* Spin. Quaedam Cypro: modo coeruleus, modo virescens, elytris interdum viridibus, puncto humerali, fasciisque duabus interruptis rufis, apice truncatis, angulo suturali acuto antennisque totis testaceis.

³⁾ *Tr. zebra* Fald. (*crabroniformis* var. sec. Spinola) nonnulla specimina a D. Doria e Persia septentrionali relata a *crabroniformi* capite thoraceque antice in omnibus majoribus, fulvo-aurantiaco densius pilosis, scutello apice magis rotundato, subacuminato, elytris relative brevioribus atque latioribus, distinctius aequaliterque punctatis, fasciis duabus integris, marginibus parallelis; abdomine parcius punctato, ejus segmento quinto in mare minus profunde exciso, pedibus densius fulvo-villosis, tibiis tarsisque testaceis; tibiis omnibus in utroque sexu reclinatis, posticis in mare haud mucronatis specificè distinctus videtur. Hisce porro aliter ac in D. Spinola icone, antennae capitulo nigro, elytra apice truncata sunt.

Tr. Olivieri Chevr. (nec Klug, nec Spinola) var. *Doriae*: elytrorum fascia prima, ante medium, in punctum ellipticum transversum utrinque abbreviata; abdominis segmentis duobus vel tribus primis corpori concoloribus. Statura et facie *crabroniformi* affinis, capite in fronte angustiore thoraceque nitidioribus, subtilius, minus dense villosis et punctatis; elytris profundius et paulo crebrius punctatis, puncto transverso ante medium, fascia hunc pone integra, angustiore, subparallela, maculaque communi apicali transversa cyaneis ornatis, sutura atque basi circa scutellum rufis; pedibus cum tarsis nigro-cyaneis; abdomine sparsim punctato, segmentis quatuor primis utrinque glabris, tribus ultimis in mare rufis, in hoc tibiis posticarum mucrone brevi, valido. Copiose a Marchione Jacopo Doria in Persia septentrionali collectus.

Tr. apiarius Lin. ex speciminibus in Andalusia a D. Ghiliani lectis variat elytrorum sutura, fere veluti in *favario*, tota cyanea, fasciis duabus margine parallelis aequalibusque, punctura tantisper fortiore; caeteris cum *apiario* apprime convenit.

Tr. Sipylus Fabr. var. *visnagae* Friv.: laete virescente-metallicus, fulvo-pubescent, antennis elytrorumque fasciis duabus una pone medium, altera ante apicem brevibus testaceis; pedum posteriorum femoribus in mare maxime dilatatis, tibiis validis, fortiter appendiculatis.

Tr. quadripunctatus Adams: Syria passim: a praecedente pedibus posticis in mare simplicibus, abdominis segmento quinto apice parum emarginato discedens.

Corynetes (Agonolia) rufipes Fabr. Cypro. ⁴⁾

⁴⁾ *Corynetes violaceus* Lin. variat in Pedemontio interdum tibiis dimidio apicali obscure testaceis.

C. (Agonolia?) hybridus: Oblongo-ovatus, niger, nitidus, ore, antennis, thorace pedibusque rufo-testaceis, capite dense thoraceque minus crebre punctatis, nigro-pilosis, hoc longitudine sesqui latiore, elytris nigro-cyaneis, grosse punctatis. — Long. $1\frac{1}{2}$ lin.

Corpore fere ovali, sat convexo, thorace elytrisque basi ejusdem fere latitudinis inter congeneres insignis; sculptura *bicolori* propius accedit, quo relative latior, utrinque magis rotundatus. Caput latum, nigrum, uti in hoc fere punctatum, fronte plana, antice utrinque rotundatum, medio leviter emarginato-truncata, epistomate labroque rufis, ore rufo-piceo; antennis rufis, articulis tribus ultimis compressis, nono — decimo transversim cupuliformibus, tantisper magis quam in *Corynetis*, minus quam in *Opetiopselapho* inter se discretis, clavae magnitudine inter duo intermedia, pariter ac visa est palporum articuli apicalis structura. Thorax transversim subellyphicus, anterior angustior, apice recte truncatus, lateribus anterior fere rectis, pone medium cum angulis posticis leviter ampliatis rotundatus, basi utrinque oblique, medio recte truncatus, dorso transversim modice convexus, aequalis, nitidus, disco minus crebre, fortius quam in *bicolore* punctatus, lateribus subrugosus, margine laterali obsolete laxaque crenulato; laete rufo-testaceus, villositate nigra, paulo magis, quam in capite. densa hirtus. Scutellum transversum, utrinque subpunctatum, medio laeve, rufescens. Elytra basi conjunctim emarginata, ibi thorace haud latiora, sensim inde rotundato ampliata, atque magis convexa, latitudine earum maxima triente longiora, margine subtiliter crenulata, nigro-violacea, nitida. punctis fortioribus, (fere majoribus quam in *bicolore*) aequae distantibus, disco vix regulariter dispositis, pone scutellum suturam secus obsolete punctorum brevi serie impressa; epipleuris basi latiusculis, ad segmenti abdominalis tertii apicem prope evanescentibus. Corpus infra, prothorace

PTINIDAE.

Hedobia tricostata n. sp. *Oblonga, straminea, griseo-pubescentis, capite infuscato thoraceque postice gibboso crebre profundeque punctatis; elytris seriatim oblongo-punctatis, sutura interstitiisque elevatis densius pubescentibus.* — Long. $1\frac{3}{4}$ lin.

Maximis *Ptini furis* maribus paulo major, *Anobii* faciem quamdam praebens, *Hedobiis* proprie, sec. Mulsant, elytrorum sculptura atque villositate sericea, longiuscula pluribusque cum *H. pubescente* affinitatibus consocianda, tibiaram etiamsi structura tantisper abscedat. Corpus totum stramineum, fere cinnamomeum, capitis vertice solo infuscato oculisque nigris, humeris dilutioribus, puhe sat longa, subdepressa, griseo-flavescente indutum. Caput declive, fronte convexa, longitudinaliter medio subelevata. transversim inter antennas impressa, anterius laevi et subsinuatim truncata; labro vix conspicuo; oculis magnis, globosis, thoracis marginem anticum excedentibus (forte mas), in fronte eorundem maxima latitudine aequae distantibus: antennae elongatae, subfiliformes, articulo primo obovato, secundo parvo, subgloboso, tertio octavo subaequalibus, compressis, leviter serratis, tenuissime ciliatis: palpi flavi, omnes articulo ultimo acuminato. Thorax longitudine sesqui latior, lateribus medio rotundatus, basi apiceque subaequaliter attenuatus, margine antico regulariter rotundato, postico subrecte truncato, dorso postice elevato-gibboso, gibbula utrinque compressa, densius pubescente; pariter ac caput sat crebre, profunde ad latera subrugose punctatus, interstitiis planis, nitidulis. Scutellum oblongum apice rotundatum, dense pallido pubescens. Elytra thorace plus triplo longiora, basi subrecte truncata, humeris prominulis, lateribus subparallela, modice convexa, apice conjunctim subattenuato-rotundata, seriatim oblongo-punctata, seriebus per tria approximatis, sutura interstitiisque tertio, sexto, nono et duo decimo latioribus, horum dorsalibus postice magis elevatis densiusque pubescentibus, sutura postice margineque laterali crassioribus; limbo infero posterior subillime denticulato. Corpus

medioque gulae exceptis, nigro-subcyaneum, pedibus cum coxis laete rufo-testaceis, tarsis apice brunneis; tibus tarsisque villositate minus tenui indutis, unguiculis ante medium plus minusve acute subdentatis. Unicum, foemineum forte, specimen e R. Taur. Musaei collectione nom. *Opetiopalpus collaris* Ill. a D. Dejean ex Hispania donatum: cum *O. collaris* Spinolae descriptione haud conferre ex allatis patet: affinitatibus perpensis hunc *Agonoliae* Muls. potius quam *Opetiopselapho* referre censui.

infra punctulatum, metasterno medio abdomineque nitidulis. Pedes modice elongati, tibiis apice subrecte truncatis, extus denticulo brevi, valido, spinula tenui intus apice munitis; tarsis validiusculis, filiformibus, leviter compressis, articulis quatuor primis longitudine sensim dimidio decreescentibus, tertio — quarto apice emarginato truncatis, inferne evidentius penicillatis, ultimo elongato, apicem versus leniter dilatato.

Unum spec. Cypro ex descriptione ab *H. succincta* Chevr. plane discedens.

Ptinus xylopertha Reiche. Cypro passim.

P. variegatus Rossi: frequens Cypro et Syria, validiusculus plerumque, antennis in mare paullulum magis elongatis.

P. Lucasii Boield. sat freq. variat plerumque minor et dilutior.⁵⁾

P. intermedius Boield. Haud rarus Cypro: mas elongatus, subparallelus, plus minusve dilute rufo-testaceus, praecedenti facie proximus, at tantisper angustior, ab eo et affinibus elytris fortius, spissius fere quam in *fure*, punctato-striatis, punctis quadratis, in seriebus approximatis, interstitiis angustioribus, subelevatis, apice conjunctim rotundatis; tibiis posticis spinulis duobus tenuibus, aequalibus munitis, tarsorum posteriorum articulo primo secundo sesqui longiore. Variat dimidio minor, *P. testacei* maribus statura proximus. Foemina ovalis, elytris punctis magnis quadratis, carinula argutula sejunctis seriatim impressis, interstitiis angustis; longe parceque hirto-pilosis, fasciis duabus una pone humeros transversa, altera pone medium obliqua, in puncta duo plerumque divisa, e villis depressis albidis ornatis, posteriore interdum, rarius amobus obsoletis: capite dense pubescente, thorace fulvo quadri-fasciculato. Variat statura etiam dimidio minore, modo rufo-brunnea, modo rufo-testacea, punctura elytrorum attamen semper inter affines distincta; eam quapropter *P. intermedio* adscribendam censui, pluribus etiamsi in collectionibus *P. furis* foeminae minoribus speciminibus nomen illud tributum observaverim.

P. obsoletus n. sp. *Nigro-piceus vel brunneus, griseo-fulvescente pubescens, thorace fortiter rugoso, basi valde constricto, dorso*

⁵⁾ *Pt. obesus* Luc. = *peculator* Genè in litt. etiam Sardiniae incola; mas, ex typico specimine a D. Desbrochers misso, elytris margine postico explanato, apice truncatis ab affinibus distinguendus: e Sicilia quoque nom. *pulchellus* habui.

quadri fasciculato; elytris subtiliter striato-punctatis, parum dense seriatim pubescentibus. 6)

6) Ultimae generis subdivisionis sec. D. Mulsant nom. *Eurostus* duo necdum cognitae formae in Pedemontanis alpibus anno elapso inventae: *P. (Eurostus) quisquiliarum* n. sp. *Ovalis, valde convexus, niger, nitidus, antennis apice tibiis tarsisque rufo-piceis; thorace globoso, basi fortiter constricto, granuloso, elytris utrinque valde reflexis et subcompressis, seriatim punctatis, parce pilosis, basi albo-fasciatis; antennis validis, articulo secundo tertio fere longiore.* — Long. $1\frac{1}{4}$ lin.

P. submetallico et *frigido* quasi intermedius, ab utroque in primis thorace fortius granuloso, granulis convexis, aequalibus, elytris convexioribus, utrinque inferne magis compressis, fortius utrinque ad humeros carinatis discedens. Corpus supra-nigrum, inferne rufo-piceum. Caput parvum, cum oculis, modice prominulis vix thoracis latitudine, sat crebre, obsolete punctatum: palpi rufi: antennae nigropiceae, apicem versus dilutiores, validae, dense fulvo-pubescentes, articulo secundo conico tertio evidenter longiore, tertio — decimo moniliformibus, in mare parum, in foemina haud crassitie longioribus, tertio — sexto in hac subaequalibus, extus fere magis quam intus dilatatis. Thorax globosus, latitudine vix longior, ante basin fortiter constrictus, medio longitudinaliter canaliculatus, canalicula anterieus in lenem impressionem transversam qua thorax ad trientem anticum subangustatur desinente; totus crebre fortiter granulatus, granulis rotundis, haud depressis, margine inflexo, uti in citatis, longitudinaliter breviterque fossulato. Elytra basi recte truncata, subito inde convexo-elevatula, breviter ellyptica, lateribus fortiter rotundata, magis utrinque latiusque inflexa, seriatim mediocriter punctata, punctis sat discretis, interstitiis in mare laevibus, subplanis, alternis convexiusculis, in foemina subrugosis; alternis in utroque basi elevatulis, asperulis, septimo longius quam in *submetallico* carinaeforni; apice valde declivia, leviter producta; punctorum seriebus duobus extimis magis distantibus, punctis profundioribus. Abdomen segmentis tribus primis parce punctis latis, parum profundis impressis, tertii margine apicali subsinuato; pedes validi, punctati, femoribus subclavatis, arcuatis, tibiis leviter incurvis, posticis in mare sensim, apicem usque prope, incrassatulis; tarsis fere brevioribus, crassioribus quam in *frigido*. Speciminibus verisimiliter depilatis pubes parca in capite, tantisper densior in thoracis disco, elytrorum striis alternis villis quibusdam fulvis seriatis; pone basin fasciae obliquae

P. brunneo Duft. magnitudine. forma et pictura simillimus, corpore in mare equidem elongato, foeminae oblongo-ovali; ab illo elytris in utroque sexu subtiliter striatis, striarum punctis minutis, magis distantibus impressis, interstitiis latis, planis, pube minus tenui parciore, in foemina quoque subdepressa indutis discedit. Mas praeterea elytris pone medium tantisper ampliatis, apice latius rotundatis, margina apicali subexplanato, fere truncato insignis.

Marem et tres foeminas Cypro.

e pube albida rudimenta conspicua: corpus infra parce, tibiae apice et tarsi dense fulvo-pubescentia.

In Alpihus inter quisquiliis quaedam legi.

In *P. frigido*, cujus plura in Alpihus Lepontiis ipse reperi atque a D. Doria ad Gressoney lecta vidi, elytra tantisper longiora, dorso subdepressa, regulariter utrinque inflexa, antennae graciliores, articulo tertio secundo in mare sat, in foemina aliquantulum longiore; tibiae posticae in illo leviter curvatae, haud dilatatae, tarsi graciliores. *P. submetallicus* mas statura ut plurimum minor, abdominis segmentis secundo tertioque medio tuberculis in singulo duobus minutis, pilosulis, aequaliter inter se distantibus prope apicem munitis dignoscitur.

P. (Eurostus) apenninus n. sp. *Obovatus, sat convexus, niger, infra brunneus, parum nitidus, breviter fulvo-pubescentis, thorace fortiter gibboso, basi constricto, apice angustato, profunde medio canaliculato, fovea magna, laevissima utrinque impresso; elytris globosis, profunde punctato-striatis.* — Long. $1\frac{1}{4}$ lin.

P. frigido proximus ab eo et praecedente thoracis praecipue structura distinctis. Caput obscure brunneum, valde inflexum, cum oculis sat prominulis thoracis anticae latitudini subaequale, sparsim obsolete punctatum, tenuiter, sat dense fulvo-pubescentis: antennae rufescentes, in mare corporis dimidiam longitudinem aequantes, tantisper eadem in foemina breviores; articulis secundo — decimo obconicis, tertio secundo longiore; in mare graciliusculae, minus in foemina, articulis quarto — sexto in eadem brevioribus. Thorax dorso valde gibboso-convexus, basi constrictus, impressione ante apicem attenuatus, medio late profundeque canaliculatus, subtiliter granulosus, densius breviterque subaureo squamosus, margine laterali fovea magna, irregulariter quadrata, fundo inaequali at laevissima impressus. Scutellum minutissimum. Elytra globosa, apice vix producta, profunde striato-punctata, interstitiis omnibus crassis, convexis, pube brevissima, densa, aurea vel grisescente subsquamosa

Gibbium scotias Fabr. Cypro rarius. 7)

ANOBIIDAE.

Anobium striatum Oliv., *domesticum* Fourcr. Muls.: frequens.

A. hirtum Ill. var. *tomentosum* Muls.: rarum.

A. paniceum Lin.: copiose lectum.

A. (Hadrobregmus Thoms.) *Reyi* Bris., *oblongum* Ziegl., *striatum* Bon. in litt. Dej. Cat., *Oligomerus abnormis* ipse in litt. 8) Species optime a D. Brisout descripta, affinitate maxima cum *Ol. brunneo* St. sec. Muls. convenit, antennarum in primis structura, quibus licet articulus octavus in *brunneo* deesse videatur, obsoletus

indutis; interstitio sexto integro, basi subcarinaeformi, duobus extimis margineque subglabris. Corpus infra nitidulum, rufo-brunneum; abdomine parce pubescente, impunctato, punctis tantummodo quibusdam magnis obsoletisque ad secundi et tertii basin. Pedes rufo-brunnei, parce punctati, femoribus modice elavatis, tibiis apicem versus sensim leviter dilatatis atque retrorsum curvatis, apicem versus dense pubescentibus, posticis in mare fortius incurvis; tarsis quatuor anterioribus in utroque sexu latiusculis, dense pubescentibus.

Unum par in Etruscis apenninis prope Porretta inter fagi folias deciduas et quisquilia legi.

7) *Gibbium Boieldieui* Levrat copiose in Persia boreali a D. Doria lectum; *G. scotias* dimidio plerumque minor, antennis gracilioribus, articulis secundo — quarto inferne, tibiisque extus brevius et subtilius flavo-ciliatis; genis modo laevibus, modo plus minusve subtilius longitudinaliter striolatis, corporis magis conici forma, meo iudicio a *scotia* discedens; ei verumtamen elytra dorso antico deplanata, summa basi circum circa nullomodo incrassatula, sed eandem cum thorace exacte rectam obliquitatem prosequentia, a medio inde ut in affinibus, fortiter globoso inflexa atque inflata; (elytra in *G. scotias* summa basi tantisper crassula atque dorso convexa) utrinque magis compressa atque inferne ad femora postica fortius emarginata. Ultra 60 spec. vidi, fixum sexuale character extricare impar fui.

8) Proximum et structura valde affinem *Anobium* in Sardinia Prof. Gené legit atque in coll. *A. disruptum* designavit: *oblongum*, *cylindricum*, *parum nitidum*, *dense breviterque sericeo-pubescentibus*, *rusco-brunneum*, *antennis undecim articulatis*, *articulis 5—8 subtransversis*, *capite thoraceque minus crebre*, *subtiliter*, *aspere punctatis*, *hoc convexo*, *postice medio breviter carinato*, *angulis anticis*

verisimiliter vel sub septimo absconditus, in *A. Reyi* maribus quibusdam adeo minutus et obiectus, ut vix conspiciendus; in utraque specie antennarum funiculares articuli plus minusve arcte connati, tribus ultimis maxime, praesertim in mare, elongatis; tum prosterno mesosternoque apice inter coxas anticas fortiter attenuatis, unde hae invicem valde approximatae, potius quam *A. hirtum* prope, verumtamen una cum *Ol. brunneo* et *A. disrupto*, alteram in genere subdivisionem constituunt, jam a Thomsone in Skand. Col. V. p. 259 nomine *Hadrobregmus* donatam. Corporis totius fere structura *Ol. brunneo* consimile, thorace vero dorso subaequaliter convexo, gibbula dorsali haud vel vix conspicua ab eo et *A. rufipede* praesertim distinctum. Cypro parum frequens, in tota Italia diffusum,

rectis, posticis rotundatis, elytris parum profunde geminato-striatis, interstitiis alternis elevatulis. — Long. $2\frac{1}{2}$ —4 lin.

Mas minor, antennarum tribus ultimis valde elongatis, linearibus, nono praecedentibus simul suntis fere longiore. 4—8. brevibus, transversis, intus leniter subserrato productis; elytrorum margine postico utrinque obsolete sinuato; abdominis segmento quinto ante apicem transverse subimpresso. Foemina duplo plerumque major, antennarum articulis tribus ultimis elongatis, sublinearibus, nono praecedentibus quinque longitudine aequali, funiculo crassiusculo, articulis 5—8 subaequalibus, crassitie haud longioribus, truncato-conicis; elytris utrinque ante apicem subcompressis, cum margine laterali sinuato-emarginatis; abdominis segmento quinto apice plus minusve late foveolato.

Ol. brunneo sec. Muls. atque *A. Reyi* facie consimile, peculiare has prae se fert notas: caput subtiliter vix aspere punctatum, longitudinaliter medio subtilissime canaliculatum; antennarum funiculo relative crassiore, ejusdem articulis in foemina minus transversis, longe tamen brevioribus quam in *A. rufipede*, articulis tribus apicalibus e contra multo magis quam in hoc elongatis: thorax fere ut in *A. Reyi* constructus, dorso subaequaliter convexus, at carinula brevi, obtusa, marginem basalem non attingente disco postico instructus, eam utrinque sat impressus, longitudinaliter antice medio, evidenter in mare, obsoletius in foemina, canaliculatus, anterieus pone oculos utrinque sat, fortius in mare, impressus et limbo apicali emarginatus, angulis anticis acutius fere, quam in *A. brunneo*, rectis; lateribus sat late marginatus, angulis posticis rotundatis: scutellum lateribus subrectis, apice subtruncatum, vix densius tomentosum: elytra parum profunde striata, punctis in mare confuse

Sardiniae quoque incola; mares plerumque minores, corporis pictura obscuriore vel dilutius cinnamomea aut ferruginea variant: segmento ventrali quinto in foemina transversim prope apicem impresso.⁹⁾

Rhadine n. genus. Caput inflexum, sub thorace receptum, oculis parum convexis; labrum breve transversum; mandibulae arcuatae, basi extrorsum leviter dilatatae; palpi omnes articulis basalibus tenuibus, ultimo subito incrassato, forcipis instar apice bifido, spinula interiore brevior; antennae II-articulatae, articulo primo majore, extus vix dilatato, quarto, sexto, octavo minimis, secundo tertio, quinto septimoque intus leviter productis, seta longiuscula

compositis, in foemina distincte geminatis atque in duas series in singula stria dorso dispositis, interstitiis vix convexis, alternis, in foemina evidentius, elevatulis densiusque pubescentibus; regulariter convexa atque cylindrica, apice conjunctim subrotundata, atque utrinque, uti dictum, emarginata, ibidem tantisper obscuriora; prosternum et mesosternum inter coxas anticas valde attenuata; corpus infra dense, subtilissime aequaliterque punctatum, metasterno vix medio nitidior, utrinque creberrime granuloso: abdominis segmentis granulis minutissimis quibusdam conspersis, secundo, tertio quartoque inter se aequalibus, majore, tribus veluti in *rufipede*, *Reyi* et *brunneo* margine postico fulvo-ciliatis; pedum posteriorum coxae in foemina margine posteriore subaequali, in mare intus leniter denticiformi, ad trochanteres distincte emarginato; tarsi in utroque sexu tibia breviores, articulis duobus primis elongatis, primo secundo sesqui fere longiore.

Ex variabili fortasse in ipsomet *brunneo* sec. Mulsant articulorum antennarum numero, eandem enim vero speciem D. Thomson, Olivierio tributam, antennis undecim articulatis describere videtur, collatis quae de *A. rufipede* auctor ipse refert, una cum *A. Rey* et *disrupti* super allatis notis, dubium mihi an *Oligomerus* genus pro europaeis saltem sit servandum.

⁹⁾ Genuinus *Ol. brunneus* sec. Mulsant in Italia orientali rarissime occurrit, ex Insubria atque Tyrolo italico quaedam solummodo vidi germanicis atque helveticis conformia. *Hadrobregmus brunneus* Thoms. minus recte videtur *An. rufipedi* in Cat. Harold pro synonymo subjunctus, antennarum habita praecique ratione; earundem structura thoracisque forma *Ol. brunneo* Muls. propius accedit: cui ex his vel *Anobio Rey* ex paucis ab auctore allatis dubium quo *An. oblongum* Cast. sit referendum: utrumque in collectionibus italicis hoc nomine donatum observavi.

instructis, ultimis tribus magnis, compressis, clavam laxam formantibus. Thorax inaequalis, lateribus argute marginatus, margine antico reflexo. Elytra striato-punctata, margine laterali anterior bifariam emarginato. Prosternum et mesosternum profunde cavernoso-excavata; metasternum antice in lobum magnum productum; mesosternum utrinque modice, abdomen basi profundius femoribus recipiendis canaliculata; coxae posticae lamellares, intus sensim dilatatae; femora elytra excedentia; tarsi filiformes 5-articulati, articulis quatuor primis longitudine sensim decrescentibus, ultimo praecedentium trium longitudine subaequali, apicem versus crassiusculo, biunguiculato (*ῥαδιῆ*, tenuis).

R. parmata n. sp. *Oblonga, ferruginea, tenuiter fulvo-pubescentis, antennis flavis; fronte leviter convexa thoraceque subtiliter reticulatis, hoc dorso gibboso, utrinque impresso, foveolis quatuor baseos obsoletis, angulis anticis deflexis, acutis, posticis subrectis; elytris striato-punctatis, interstitiis convexiusculis.* — Long. vix 1 lin.

Statura parva, *Gastrallo laevigato* minor, parum nitida, rufo-ferruginea, palpis antennisque flavis. Caput thorace angustius, fronte oculisque fere ut in illo, anterior attamen crassiuscula, canalicula tenui recta ab epistomate distincta: antennae ante oculos leviter emarginatos insertae, capitum cum thorace longitudinem superantes, articulo primo majore, oblongo, ferrugineo, secundo minore, oblique apice truncato, clava hoc cum sequentibus longitudine pari, articulis ejus duobus primis triangularibus, ultimo oblongo-ovato, apice acuminato. Thorax transversus, anterior angustior, utrinque fortiter inflexus, dorso modice convexus, at medio gibboso elevatus et utrinque oblique impressus, margine antico elevatulo, laterali cariniformi, leviter explanato, angulis anticis acutis, eos intra late sat fortiter impressus; basi subtiliter marginatus, leniter intra humeros sinuatus, obsoleteque foveolatus, uti caput subtiliter granuloso-reticulatus. Scutellum semicirculare. Elytra thorace plus quam duplo longiora, modice convexa, subparallela, apicem versus a triente postico sensim attenuato-rotundata, decem striata, striarum punctis mediocribus modiceque discretis, striis duabus extremis profundioribus, ante humeros abbreviatis, interstitiis convexis, tenuiter fulvo-pubescentibus, suturali et duobus externis apice integris, internos includentibus, margine omni crassulo, basi sub humeros, pro femorum quatuor anteriorum repositione profunde exciso, ante medium pro posticis late emarginato. Thoracis pleurae inferne utrinque fossulae prosternali parietales, limbo subsinuato, granulosa: metasternum magnum, medio profunde canaliculatum, antice attenuatum, mox fortiter in

lobum magnum semicirculare, subplanum, crassum dilatatum, cui in quiete frontis margo anticus insidet, ore toto antennisque occultatis. Abdomen fere planum, segmentis quinque liberis, primo parum elongato, dimidio ejus antico utrinque profunde femoribus recipiendis excavato, postico una cum secundi basi semicirculariter impresso, secundo contignis duplo fere latiore, tertio quartoque inter se atque primo longitudine subaequalibus, quinto apice late rotundato. Corpus infra parce breviterque pubescens, coxis parum approximatis, posticis intus angulariter aliquantulum dilatatis; femoribus subclavatis, tibiis linearibus, tarsis tibiae triente vix longioribus.

Quindecim cypria specimina vidi; corporis inferne structura Dorcatomiis ex D. Mulsant methodo referenda, facies ejus minimi *Anobii striati*.

Gastrallus laevigatus Ol. Unum par Cypro: mas nostratibus aptenus conformis: foemina capite majore, fronte convexiore, thorace dorso postico fortius triangulariter gibboso, late utrinque impresso, margine laterali ad angulos posticos sat explanato discedit: paginae superioris pubes densior, sericeo-fulvescens.

Trypophthys carpiui Herbst. Cypro passim, Syria, Libano; in Pedemontio haud rarus.

Metholcus cylindricus Germ. Duo mares Cypro.

Calypterus bucephalus Ill. Cypro et Beryto frequens; antennis haud raro atque corpore infra rufescentibus: Sardiniae etiam incola.

Xyletinus ruficollis Gebl. Cypro rarus, elytris obscure ferrugineis, antennis pedibusque totis rufescentibus varians.

X. flavipes Lap. Cypro haud freq. statura minor, elytris subtilius striatis, interstitiorum granulis haud perspicuis femoribusque fusco-tantum maculatis ei verisimiliter referendus.

Lasioderma haemorrhoidale Ill. Unicum spec. Cypro statura minus, antennis, thorace, elytris pedibusque testaccis.

L. laeve Ill. Syria rarum.

L. fulvescens Muls. Cypro parum freq. nostratibus plerumque densius supra pubescens.

L. (Hypora) serricornis Fabr. Copiose Cypro lectum, statura variabile, nostratibus plerumque minus; poenes nos et a mercatura e coloniis diffusum, ejus singulariter depictum specimen e Neapoli D. Emery communicavit, thoracis dimidio postico corporeque infra nigris. larvam in *Anthemidis chamomillae* floribus exsiccatas vivere eisque pasci animadvertit.

L. (Hypora) bubalus Fairm. Quaedam spec. Cypro plus

minusve dilute testacea. Auctoris descriptioni corporis pictura conferens specimen in Abbrutiis lectum Dr. Bertolini communicavit, aliud e Corsica a D. Révelière, nom. *Pseudochina torquata* missum, penitus fulvescens, pluria e Sardinia; hisce thorace modo medio canaliculato sparseque granuloso, modo aequali, alter forte sexus.

Stagetus elongatus Muls. Cypro rarus.

Dorcatoma flavicornis? St. var. *murina*. Duo specimina Cypro statura majora, convexiora, corpore obscure ferrugineo, thorace elytrisque pariter fere, subtilissime crebre punctatis, punctis majoribus crebris intermixtis, pube densa longitudinaliter disposita, depressa. griseo-fulvescente vestitis; elytris utrinque bistriatis; corpore infra rufo-ferrugineo, abdominis segmentis secundo — quarto medio firmatis, punctis quibusdam majoribus impressis distincta.¹⁰⁾

BOSTRICHIDAE (APATINI).

Apate (Ligniperda) Francisca F. duo mares Cypro ad var. *rufiventris* Lucas spectantes.

A. cornifrons n. sp. *Nigra, tenuiter pubescens, thorace transverso, rude granulato, antice spinosulo, elytris crebre punctatis, postice leniter retusis. Mas capite parvo, oculis globosis valde prominulis, fronte inter oculos ad eorundem marginem internum dente triangulari erecto utrinque armata, medio villositate longa densaque fulva ornato, epistomate subrecte truncato, glabro; thorace medio leviter constricto, elytrorum sutura apice spiniformi; tarsi quatuor posterioribus tibia duplo longioribus, intus haud setulosis; abdomine nitido, segmento ventralis quinti margine postico late emarginato-truncati denseque fulvo-pubescente. Foemina capite longitudinaliter fortius canaliculato, vertice foveola impresso, fronte*

¹⁰⁾ A D. Betta in Insubriae montibus atque a D. Ghiliani in Alpibus Lepontiis lecta *Dorc. elongata* Muls. descriptionis notis characteristicis consona. *Dorc. Dommeri* variat in Sardinia tota rufo-testacea: plura ex eadem insula Prof. Gené distinctae speciei retulit, quae in coll. nom. *D. lanuginosa* donavit; *serram* Panz. inter et *setosellam* Muls. intermedia, plus minusve dilute rufo-ferruginea, eisdem corporis ambitu identica, at paginae superioris punctura longe obsoletiore, densiore subtilioreque, punctis in elytris postice cycloideis, pube tantisper longiore, inordinatim divergente obsita, pilis quibusdam elevatioribus, haud seriatim, intermixtis; corpore demum etiam infra obsoletius punctulato distincto: striae in elytris laterales duo, integrae.

parce breviterque fulvo-pubescente; thorace haud constricto, angulis anticis reclinatim productis, unculis superne armatis atque terminatis; elytris fortius et minus crebre punctatis, magis pubescentibus, minus nitidis, ad suturam apice muticis; abdomine subtiliter coriaceo, opaco, segmento quinto apice integro; tarsis quatuor posterioribus tibia sesqui tantum prope longioribus, articulis secundo — quarto apice inferne breviter setosis. — Long. $6\frac{1}{2}$ — $7\frac{1}{2}$ lin.

Præcedenti statura et facie subaequalis, corpore cylindrico, nigro-piceo, subtiliter pubescente. Caput crebre granulose, dentibus cornui instar erectis in maris fronte, distantibus, validis, dorso extimo angularibus, retrorsum extusque subplanis, glabris, intus dense fulvo-pubescentibus; fronte antierius inter antennas transversim crassula, epistomate late emarginato-truncato (in *A. Francisca* angustius fortiusque emarginatum). Thorax transversim subquadratus, in mare sal, in foemina tantisper quam in ea brevior, transversim in mare impressus lateribusque subcompressus, antierius valde declivis, subaequalis in foemina, margine antico minus emarginato, at angulatim fere ad capitis latera longius quam in *Francisca* reclinato-productus; itidem fere granulose antieriusque spinosulus, ad angulos posticos, praesertim in mare, crassiusculus, pube griseo-flavescente, lateribus longiore, parce indutus. Elytra subtiliter, breviter parceque fulvo-pubescentia, cylindrica, apice vix retusa, ad inflexionis medium circiter utrinque late obsoleteque unicallosa, aequaliter punctata, crebre subtiliusque in mare, fortius atque minus crebre in foemina, minus attamen in utroque sexu fortiter punctata quam in plerisque exoticis congeneribus quae vidi, costulis vix perspicuis. Corpus infra piceum, pectore plus minusve rufo-piceo, tenuiter fulvo-pubescentibus, pedibus fere uti in citata specie constructis, attamen tibiis anticis in mare paulisper tantum densius villosis, extrorsum haud denticulatis; tarsis quatuor posterioribus in mare, intermediis in foemina magis elongatis, omnium articulis secundo — quarto apice vix perspicue in expansione cornea setosis. Abdomen segmento ventrali quinto maris apice latius profundiusque quam in illa emarginato, ante apicem arcuatim impresso, ibi dense fulvo-pubescente, apice summo pariter rufo-ciliato: foeminae abdomen creberrime rugulose, opacum. Cypro.

Bostrichus capucinus Lin. Haud rarus Cypro, elytris plerumque fortius punctatis. Eiusmodi individua et in tota Italia obvia, rarius abdomine brunneo vel fere nigro, elytris plus minusve fortiter corrugatis, brunneis interdum vel fere nigris, una cum abdomine rufescente vel nigricante. Pleraque hae varietates nom.

A. rugosa F., *nigriventris* Luc. et *luctuosa* Ol. in collectionibus designatae: firmos inter eas characteres perperam quaesivi.

B. varius Ill. Haud rarus.

B. bimaculatus Ol. Parum freq.

Xylopertha sinuata Fabr. Cypro passim.

X. pustulata F. Haud freq.

Rhizopertha pusilla F. Etiam Cypro obvia.¹¹⁾

¹¹⁾ *Rhizopertha sicula* n. sp. *Oblonga, subcylindrica, obscure ferruginea, antennarum clava dilutiore, parce pubescens; thorace crasso, granuloso-punctato, anterieus regulariter arcuatim spinosulo, elytris latiore; hisce crebre, seriatim ocellato-punctatis.* — Long. $1\frac{1}{2}$ lin.

Corpore breviter cylindrico, utrinque obtusato *Xylebori disparis* foeminae faciem omnino simulat, at reapse hujus generis. Caput parvum, retractum, thorace obteetum, rugosulum, nigro-brunneum, fronte inter oculos transverse arcuatim canaliculata, anterieus crassula, nitidula, rufo-ferruginea, emarginato-truncata: labrum magnum, apice perquam late rotundatum, dense fulvo-ciliatum; mandibulae validae, parum arenatae, atrae; palpi maxillares rufo-ferruginei, validi, articulo ultimo elongato, acuminato; labiales parvi, testacei, articulo primo tenui, secundo brevi, cupuliformi, tertio basi connato, hoc breviusculo, conico-acuminato; os rufo-testaceum, villosulum. Antennae 10-articulatae, validiusculae, coxas anticas attingentes, articulo primo secundoque medioeribus, hoc tantisper minore, tertio — septimo sensim fere crassioribus brevioribusque, arcte connexis, ultimis tribus magnis, compressis, clavam parum laxam, rufo-testaceam, praecedentium omnium longitudinem aequantem formantibus. Thorax, superne inspectus, latitudine fere longior, lateribus rectis, anterieus rotundatus levissimeque attenuatus, basi recte truncatus, elytra latitudine aliquantulum excedens; transversim basi sat convexus, foveis nitidulis duabus approximatis mediis impressus; margine antico crasso, supra caput circulariter retuso, angulis nullis, limbo laterali, basin versus fortius, una cum basi rotundato, subtiliter utrinque marginato, margine basi ante medium utrinque interrupto; obscure ferrugineus, postice, utrinque crebre, parum profunde ocellato et granuloso punctatus, anterieus seriebus quinque saltem arcuatis, concentricis tuberculorum spiniformium muricatus, parce pubescens. Scutellum parvum, transversum. Elytra thorace sesqui tantum longiora, parallela, dorso regulariter, fortius apice convexa leniterque subdepressa, basi recte truncata, humeris sat prominulis,

LYCTINI.

Lyctus canaliculatus F. et *L. impressus* Comolli parum frequentes Cypro.

L. brunneus Steph. haud rarus; variat interdum longe minor, dilutior, crebrius striato-punctatus, congenerum minimus.

CISINI.

Xylographus bostrichoides Duf. Unum spec. Cypro.

Cis coriaceus n. sp. *Niger, subcylindricus, pube longiuscula, minus tenui, suberecta, grisea, in elytris regulariter disposita adspersus, antennis pedibusque rufo-testaceis; thorace aequali, angulis omnibus obtusis, subtiliter crebre punctulato; elytris punctis creberrimis majoribus minoribusque intermixtis coriaceis, ad suturam obsolete striolatis.* — Long. vix $\frac{1}{2}$ lin.

Mas frontis margine antico plus minusve fortiter bituberculato, tuberculis sat inter se discretis. thorace anterius leviter producto, medio fisso, fortiter plerumque bidentato, dentibus distantibus, plus

eos infra oblique truncata, thorace minus obscure ferruginea, crebre sat fortiter sub-ocellato punctata, punctis longitudinaliter subseriatim dispositis, apice sensim crebrioribus distinctiusque ocellatis; e singulo puncto setula brevis fulva, erecta exoritur. Thoracis inferne pleurae una cum prosterno continuatae, sensim medium versus attenuatae, antice subtiliter marginatae, prosterno postice ad coxas anticarum acute attenuato, hisce magnis, fere contiguas; mesosternum antice truncatum, subverticale; metasternum crassulum, transversum, coxis posticis sublinearibus, intus versus sensim leniter incrassatulis: abdomen omnium subtilissime coriaceum, subnitidum, 5-segmentatum, segmento secundo praecedente tantisper majore, sequentibus sensim brevioribus: pedes rufo-ferruginei, femoribus, anticis praesertim, validis, tibiis subrectis, apicem versus sensim leniter dilatatis, compressis, extus apicem versus spinulosis, tarsis quinque articulatis, articulo primo minimo, anticorum primo inferne magis conspicibili, ultimo praecedentium longitudinem subaequante. *R. pusilla* parum longior at duplo crassior etiam ab *Ap. flavipede* Ill. ex descr. abunde discedere patet. In Sicilia D. Ragusa legit.

Minus recte D. Duval in *Genera des Coleoptères* III. p. 227. Apatidum familiae thoracem lateribus nunquam a propleuris carinula distinctum ulpote constantem characterem tribuit, enim vero illius in *Rhizopertha pusilla* carinula tenuissima, in *R. sicula* distincta atque sat arguta patet.

minusve apice reflexis; tibiis anticis calcare validiusculo, duplici extus armatis.

Corpus cylindricum, aequaliter sat convexum, capite parvo, depresso, antice transversim profunde sulcato, limbo marginato, antennis 10-articulatis. Thorax latitudine brevior, anterieus medio leviter productus, ad oculos utrinque vix sinuatus, angulis anticis latissime obtusis, lateribus subrotundatus, fortiter, parum late marginatus, angulis posticis anguste rotundatis, basi subtiliter marginatus, aequalis, sat convexus, nitidulus, crebre, subtiliter, profunde punctatus, dense fulvo-pubescentis, lateribus ciliatus. Elytra thorace in mare duplo, in foemina plus duplo longiora, regulariter aequaliterque convexa, parallela, utrinque fortiter, ad humeros late marginata, subaequaliter crebre punctura duplici, majore minoreque, intermixta obsolete superforata, interstitiis rugosulis, quo coriacea videntur; umbra striae juxta suturalis dorso et alterius basi intra humeros quandoque adparet; dense, aequaliter pubescentia, pube longiuscula grisea, retrorsum tantisper reclinata, juxta suturam unica seriali linea regulariter disposita. Corpus nigrum, pedibus rufo-testaceis.

C. tomentosus Mellié methodice proximus, at elytris thorace ultra duplum longioribus atque earundem punctura duplici nec non statura minore et forma *Ennearthroni affini* quodammodo simili distinctus: *C. flavipedi* Luc. etiam proximus, at brevior, thorace magis convexo, elytris aequaliter pubescentibus discedit. Plura specimina Cypro.

C. (Hadraule Thoms.) *pumilio* n. sp. *Oblongus, parum convexus, nitidulus, fusco-niger, antennis, ore pedibusque rufis, thorace lateribus anterieus subrotundato, subtilissime punctato, elytris thorace paulo ultra duplum longioribus, fortiter striato-punctatis, interstitiis convexiusculis, seriatim, breviter pilosellis.* — Long. $\frac{1}{2}$ lin. Cypro rarus.

C. clavicornis n. sp. *Oblongus, parallelus, subdepressus, niger vel piceus, pube tenui, suberecta, grisea, in elytris seriata adpersus; thorace subquadrato, angulis anticis obtusis, posticis rotundatis, utrinque fortiter, basi vix marginato; elytris striato-punctatis; antennis 10-articulatis, clava biarticulata pedibusque testaceis.* — Long. $\frac{1}{2}$ lin. Cypro sat frequens.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Deutsche Entomologische Zeitschrift \(Berliner Entomologische Zeitschrift und Deutsche Entomologische Zeitschrift in Vereinigung\)](#)

Jahr/Year: 1873

Band/Volume: [17](#)

Autor(en)/Author(s): Selve Flaminio Baudi a

Artikel/Article: [Coleopterorum messorum in insula Cypro et Asia minore ab Eugenio Truqui congregatae recensio: de](#)

[Europaeis notis quibusdam additis. 317-338](#)